

# Molao le Mohau



## SABATHA MANTSIBOEA

**Bakeng Sa Thuto ea Beke ena Bala:** *Ezek. 28:15, 16; Deut. 4:44; Baro. 3:20; Deut. 10:1–15; Deut. 5:6–22; Deut. 9:1–6.*

**Temana ea Khopolo:** “Ha ke etse mohau oa Molimo lefeela hobane ha e kaba ho loka ho tsoa molaong, e kaba Kreste o shoetse lefela” (*Bagalata 2:21*).

**B**akreste ba likereke tse ngata ba buoa ka mohau le molao 'me ba utloisisa kamano ea ntho tse na tse peli. Molao ke sekala sa Molimo sa khalalelo le ho loka, 'me ke sebe ho tlola molao oo. “Ea etsang sebe, o etsa tlolo ea molao, hobane sebe ke tlolo ea molao” (*1 Johanne 3:4, NKJV*). 'Me kaha bohle re tlotse molao oo—“Lengolo le hlahletse batho bohle sebeng” (*Baga. 3:22*)—ke mohau oa Molimo feela o ka re pholosang. “hobane le bolokehile ke mohau, ka tumelo; ha ho tsoe ho lona, ke mpho ea Molimo” (*Baef. 2:8*).

(Ehlile, ho na le “leseli le fokolang” mabapi le Sabatha ea letsatsi la bosupa e le karolo ea molao. Empa, ka mabaka a tsejoang ke bona, bongata ba Bakreste bo itjoetsitse hore bo tla hana Sabatha ea letsatsi la bosupa, ba tla ka mabaka ohle a bona a fofotsang a ho hana tsatsi lena. Empa sena ke sehlooho sa nako e tlang.)

Leha e hlalositsoe ka liketsahalo tse fapaneng, 'moko-taba oa molao o fumanoa Bibeleng eohle, le hona bukeng ea Deuteronomy, e re fang likamano pakeng tsa molao le mohau ka tsela e ikhethang.

*\*Ithute Thuto ea Beke ena Ho Lokisetsa Sabatha sa la, 13 Pulungoane.*

## Molao Leholimong

Molimo ke Molimo o lerato, 'me lerato ke tšiea e chalametsang hohle semelong sa hae se motheong oa 'muso oa hae. 'Me kaha Molimo o rata ha re mo rata le rona, o re entse re le libopuo tse nang le bolokolohi ba khetho, bolokolohi bo hokeletsoeng leratong.

Khubu ea taba ena bolokolohi ba khetho ea boitšoaro ke molao oa boitšoaro. Makumane a bopang lintho, maqhubu a leoatle, matsa, leha kae kae li latela *molao oa tlhaho*, empa ha li latele kapa ho hloka molao oa *boitšoaro*. O hlokoa ke batho ba nang le boitšoaro feela, ke ka hona le leholimong, Molimo a nang le molao oa boitšoaro bakeng sa manyeloi.

**Bala** Ezekiele 28:15, 16, e buoang ka ho oa ha Lucifera leholimong. “Bobe” bo ile ba fumanoa ho eena, ebile o entse “sebe.” Tšebeliso ea mantsoe aa moo, ha ho buuo ka leholimong, e senola eng malebana le boteng ba molao oa boitšoaro leholimong?

Ka bobeli “bobe” le “sebe” ke mantsoe a sebelisoang hara rona batho. Empa Mangolo a sebelisa mantsoe a tšoanang ho buoa ka se etsahetseng leholimong, karolong e 'ngoe ea tlholeho. Sena se lokela ho re bolella ho itseng malebana le se teng leholimong, le lefatšeng.

**“Ana joale re tla reng? A molao ke sebe? Ho se ke ha thualo! Feela hojane e be se ka molao, nka be ke sa tsebe sebe; hobane nkabe ke sa ka ka tseba seo takatso eleng sona, hola molao oa se ke oa re: u se ke oa lakatsa”** (*Baro. 7:7*). **Ke joang taba eona ee, bonyane ho latela motheo o itseng, e ka bang teng leholimong, moo libupuo tse nang le boitšoaro-mayeloi-li leng teng?**

Joalokaha E.G. White a hlalosa: “Thato ea Molimo e bonahatsoa melaong ea hae e halalelang, 'me metheo ea molao ona ke metheo ea leholimo. Manyeloi a leholimo ha a fihlele tsebo e holimo ho feta ea ho tseba thato ea Molimo, ho etsa thato ea hae ke bosebeletsi bo boholo-holo bo ka hlokang matla a bona.”—*Thoughts From the Mount of Blessing*, Leq. 109.

Leholimong, lefatšeng—ha se taba: haeba Molimo a e na le libupuo tse nang le boitšoaro, o tla ba le molao oa boitšoaro ho li busa, 'me tlolo ea molao oo, leholimong kapa lefatšeng, ke sebe.

**Ke hobaneng ha taba ea moalao oa boitšoaro e keke ea aroloa tabeng ea libupuo tse nang le boitšoaro? Ntle le molao oo, ke sefe se ka hlalolang seo eleng boitšoaro le seo eseng bona?**

## Molao ho Deuteronoma

Sechaba sa Baheberu meeling ea kanana, sechaba sa Molimo se khethiloeng, qetellong ba makhatheng a ho ruoa lefatše leo Molimo a ba tšepisitseng lona. Joale, joalokaha re se re bone, Deuteronoma ke litaelo tsa Moshe tsa ho qetela pele Baheberu ba nka naha. 'Me hara litaelo tseo, ho ne ho e na le litaelo tsa hore ba mamele.

**Bala** litemana tse latelang. Ke ntlha efe e lutseng e phetoa khafetsa khafetsa, 'me ke hobaneng ha ntlha ee e le bohlokoa ho batho? (*Deut. 4:44, Deut. 17:19, Deut. 28:58, Deut. 30:10, Deut. 31:12, Deut. 32:46, Deut. 33:2*).

Leha ho ka baloa buka ea Deuteronoma ka ho e habanya feela, le teng re bona kamoo ho mamela molao ho neng ho le bohlokoa kateng sechabeng sa Israele. Ha e le hantle, e n' e le boitlamo ba bona seleaneng. Molimo o ne a ba etselitse tseo a ba etselitseng tsona 'me o ne a tla tsoela pele ho ba etsetsa sona—lintho tseo ba neng ba keke ba iketsetsa tsona ka bo bona, le tse neng li sa ba lokele (eleng seo mohau o leng sona, Molimo o re fa se sa re lokeleng). 'Me seo a neng a se kopa e le karabelo seo, ke ho mamela molao oa hae.

Ha ho'a fapana le kajeno. Mohau oa Molimo o oa re pholosa, eseng mesebetsi ea molao—"Ha ho le joalo, re kholoa hore motho o beoa ea lokileng ka tumelo, ka ntle ho mesebetsi ea molao." (*Baro. 3:28*)—"Me karabo ea rona ke ho mamela Molao. Re mamela molao, empa, eseng ka liteko tse se nang thuso tsa ho bolokoa ke oona—"ka baka leo, ha ho nama, leha e le 'ngoe, e tlang ho beoa e lokileng pela oona ka mesebetsi ea molao, hobane ke ka molao re nang le tsebo ea sebe." (*Baro. 3:20*)—empa e le litholoana tsa mohau oo re o filoeng ka lerato. Haeba lea nthata, bolokang melao ea ka" (*Johanne 14:15*).

Deuteronoma e ka bonoa e le thuto e kholo ea mohau le molao. Ka mohau, Molimo o oa re pholosa, o re etsetsa seo re neng re keke ra iketsetsa sona (hantle joalokaha Israele e ne e keke ea ipholosa Egepet), 'me re arabela ka ho phela ka tumelo, bophelo ba ho mo mamela, eena le melao ea hae. ho tloha ho oeng hoa Adama ho ea pele, ho ea fihlela ho bao ba tla phela nakong ea mahlomola a maholo, le tšoaong la sebata, ke batho ba hlalosoang e le ba "bolokang melao ea Molimo le tumelo ea bona ho Jesu Kreste" (*Tsen. 14:12*)—Likamano tsa Molimo le batho ba hae ba selekane ke tsa molao le mohau. Mohau oa Molimo o etsa hore re mamele molao oa hae, ho mamela ho tsoang likamanong tsa rona tsa selekane sa rona le eena.

**Ke joang re ka qobang leraba la ho lumela ho sebeletsa molao ha re mamela molao?**

## L<sup>o</sup>tov Lak

Babelaeli, ba tsomanang le mabaka a ho se lumele Bibehe, hangata ba supa a mang a mantsoe a matla a hlahang Testamenteng ea Khale. Mona taba ke hore Molimo oa Testamente ea Khale o khopo, o tletse boiphetetso, o moea o mobe, haholo-holo ha a bapisoa le Jesu. Khang ena ha e ncha, empa le kajeno e fosahetse joaloka mohlang e neng e etsoa khetlo la pele khale koana.

Khafe-khafetsa, Testamente ea Khale e bontša Molimo a rata batho ba hae ba Iserale ea khale, 'me a batla feela ntho tse ntle bakeng sa bona. 'Me lerato lena le hlaha ka matla bukeng ea Deuteronomy.

**Bala Deuteronomy 10:1–15. Maemoa a hang hang a litemana tsee ke afe, 'me li re ruta'ng malebana le kamoo Molimo a ikutloileng kateng malebana le kamoo Molimo a neng a ikutloa kateng malebana le batho ba hae, le kamora sebe sa bona? Ruri, li re rut'ang, ka mohau?**

---

Mohau le lerato la Molimo li kolla litemaneng tsena. Hlokomela, haholo-holo temana ea 12 le 13. Li hlile ke polelo e le 'ngoe e telele, potso, 'me potso e bonolo: *'Me joale, Iseraele, Jehova Molimo oa hao, o batlang ho uena, haese hore.... u tsamaee tseleng ea hae tsohle, u mo rate, 'me u sebeletse Jehova Molimo oa hao, . . . uboloke litaelo tsa Jehova le Molao oa hae, hore u be u ikettle?*

Hohle Seheberung se sebelisitsoeng litemaneng tsena mantsoe “oa” le “u” a bonngoeng. Leha Molimo a buoa le sechaba kaofela, molemo oa mantsoe a hae ke ofe ebang batho e mong le e mong, ba sa a boloke? Ntho e feletseng e e phethahala ha fela likarolo tsa eona li feletse kaofela. Morena o ne a buoa le motho ka mong, ka bo mong, ha a buoa le sechaba sa Iseraele ka moka.

Re ka se lebale, qetelo ea temana ea 13: u boloke litaelo tsa Jehova letov lak, ke hore, “molemong oa hau.” Ka mantsoe a mang, Molimo o laela batho ho amela hobane ho molemong oa bona ho etsa joalo. Molimo o ba entse, Molimo o oa ba phelisa, Molimo o tseba tse ba lokelang, 'me o batla ntho tse ntle bakeng sa bona. Ho mamela molao oa hae, Melao ea ha e Leshome, ho ka sebetsa molemong oa bona feela.

Hangata molao o bapisoa le mokoallo, lebota le sirelelitseng, 'me kaho lula o le ka hara lerako lebota leo, balateli ba hae ba sireletshile khahlanong le mabotho a bokhobo a ka ba hlolang. Ka bokutsoane, ka lerato bathong ba hae, Molimo o ba file melao ea hae, 'me ho mamela melao ea hae ho tla ba “molemo ho uena.”

**Ke ka tsela life tseo re ka iponelang ka bo rona, kamoo ho mamela melao ea Molimo, ho bileng “molemong oa rona”?**

## Lekhoba Egepeta

Bukeng ea Deuteronoma, ho lutse ho hlahella 'moko-taba o le mong: Oa Jehova ea lopollang sechaba sa hae sa Iseraele Egepeta. Khafetsa khafetsa, ba hopotsoa seo Morena a ba etselitseng tsona: “Jehova a re ntša Egepeta ka letsoho le matla, le ka letsoho le otlohlileng, ka letsoho le leholo, le ka liponšo le ka mehlolo” (*Deut. 26:8; sheba le Deut. 16:1–6*).

Testamente ea Khale, haele hantle, pale ea phallo (exoda) e boletsoe e le mohlala oa matla a Molimo a topollo, ka mohau oa hae, ho tlhoa bokhobeng le khatello ea Baegepeta: “Ke u ntšitse lefatšeng la Egepeta, ke u lopollotse tlung ea bohlanga” (*Mikea. 6:4*).

Le Testamenteng e Ncha, taba ena e ea hlahella, ka exoda ea Egepeta matla a maholo a Molimo, eleng letšoao la pholoso ka tumelo ho Krete: “Ka tumelo, ba kile ba tVela lefatše le le fubelu, joalokaha e ka ke lefatše le omileng, 'me Baegepeta ha ba leka ho etsa joalo, ba nkoa ke metsi.” (*Baheb. 11:29; sheba le 1 Bakori. 10:1–4*).

**Bala Deuteronoma 5:6–22, moo Moshe a phetang molao, Melao e Leshome, motheo oa selekane sa bona le Yahweh. Ela hloko molao oa bone le lebaka le fanoang pele ho oona. Ke sefe se buuo a moo se bonahatsang bonnete ba molao le mohau? .**

---

Moshe o pheta molao oa mantlha oa ho phomola ka Sabatha ea Letsatsi La bosupa, empa o fana ka thatiselleso. Ke hore, leha e ngotsoe lejoeng ho exoda, mona Moshe o hlalosa se neng se se se fanoe, boloka Sabatha, eseng feela hoba sehopotso sa tlhohleho, empa le sehopotso sa topollo ea hao Egepeta. Mohau oa Molimo o ba bolokile Egepeta, 'me oa ba fa phomolo mesebetsing ea bona (*Baheb. 4:1–5*). Joale, ele karabo ea mohau oa Molimo a ba fileng oona, ba ne ba lokela ho fetisetsa mohau oo ho ba bang.

Maemong ana, Sabatha ea Letsatsi la Bosupa ha e be feela sesupo se matla sa tlhohleho empa letšoao le matla la topollo le mohau. E mong le e mong ka tlung, eseng bana feela, le bahiruoa, liphoofole, le bona balichaba ba malapeng a bona, ba ka phomola. Sabatha e fetisetsa mohau o fuoeng Bajuda lichabeng tse ling, tseo eseng karolo ea selekane. 'Me 'me e fumanoa pelong ea molao oa Molimo. Seo Molimo a ba etselitseng sona ka mohau, ba lokela ho se etsa ho ba bang. E bonolo joalo.

**Bala Mattheu 18:21–35. Ke ka tsela efe motheo o fanoeng setšoantšong see o bonahatsoang molaong oa Sabatha, haholo-holo joaloka ha o tobokelitsoe ho Deuteronoma?**

## Eseng Bakeng sa Khalalelo ea Hao

Khubung ea bolumeli bohle ba Bokreste, bolumeli bohle ba Bibehe, ke ' moko-taba o moholo oa ho lokafatsoa ka tumelo feela. “Hobane Lengolo le reng? Le re: Abrahama a lumela ho Mollimo 'me a balloa tumelo eo hoba ke ho loka (*Baro. 4:3*).

Ellen G. White o tumme ka ho e beha tjena: “Ho lokafatsoa ka tumelo ke eng? Ke mosebetsi oa Molimo oa ho beha khanya ea motho leroleng, e be o etsetsa motho seo motho a kekeng a iketsetsa sona. Ha motho a bona ho hloka thuso hoa hae, o malala-a-laotsoe hore a ka apesoa ho loka ha Krete.”—Ellen G. White, *The Faith I Live By*, Leq. 109.

Ha ho qea-qea, ha u sheba seo Molimo a leng sona, le kamoo a halalelang kateng, papisong le kamoo re leng kateng, le kamoo re leng babe kateng papisong le eena— ho tla tlameha ho nka ketso e makatsang ea mohau ho re pholosa. 'Me ho fetse ha e ba joalo: ketso eno ea mohau e etsahetse sefapanong, ka Krete, ea senag molato, a shoela libe tsa baetsalibe.

**U behileng maemo ana ka kelellong, Bala Deuteronomo 9:1–6. Moshe o reng moo e bontšang mohau oa Molimo ho ba lokeloeng ke oona ka tsela e hlolang? Ke joang se etsahetseng moo se bontšicia ea ho beoa ea lokileng ka tumelo?**

---

Ebang motho a ka khutsufatsa thuto ea Paulosi malebana le evangeli, mohlomong e ka fumanoa ho tsoa poleloaneng ea Deut. 9:5, “Ha se ka baka la ho loka ha hao, leha e le ka baka la bokhabane ba pelo ea hao” Molimo a tlang ho u pholosa. Empa, o tla etsa joalo ka baka la litšepiso tsa “evangeli ea kamehla le mehla” (*Tsen. 14:6*), tšepiso eo re e filoeng, “eseng ka baka la mesebetsi ea rona, empa e le ka baka la morero oa oona o tiileng, le ka mohau oo re sitsitsoeng ka oona ho Jesu Krete, mehla ea bohloleho e-so ho qale.” (*2 Tim. 1:9; sheba le Tite 1:2*). Haeba re ne re fue tšepiso “mehla ea bohloleho e-so ho qale,” ka 'nete e ka sebe ka mesebetsi ea rona hobane re ne re e-so be teng “pele mehla ea bohloleho e qala,” ka hona, re ne re se na mesebetsi.

Ka bokhutšoane, ho sa natsoe mefokolo ea hao, ho se mamele hoa hao, Morena o tlo etsa mesebetsi o motle ona ka hare ho uena. Ka hona, Morena o u laela hore u mo mamele, le melao ea Hae. tšepiso e se e fanoe: mesebetsi ea hao, ho mamela ha hao, leha li ne li ka ba ntle hona hoo, ('me ha li joalo), li ka se u fe pholoho. Empa, ke litholoana.

Jehova o u bolokile ka mohau; joale, ka molao oa hae o ngotsoeng pelong ea hao le Moea oa Hae o u matlafatsang, tsamaea u ilo mamela molao oa hae.

**Ho Ithuta ka Botebo:** “Sera sa Kreste, se ileng sa etsa borabele khahlanong le molao oa Molimo leholimong, joaloka molaoli ea bohlae, ea koetlisitsoeng, o sebelitse ka matla a hae kaofela, a tlisa thetso ena le ena, ho leka ho hlokisa molao oa Molimo boleng. Molao oo eleng ona o bontšang sebe, sekala sa khalalelo.”—Ellen G. White, *Review and Herald*, Pulungoane 18, 1890.

Serukhu tsa linaledi tse litrillione tse peli li nyeunya sepaka-pakeng. Linaledi tse libillione tse lekholo li etsa serukhu se le seng. Hona ke 100,000,000,000. Litrillione tse peli tsa Serukhu sa linaledi se seng le se seng, li etsa linaledi tse 200,000,000,000,000,000,000.

Mona, taba ke tšiea ea ho ba teng: eng kapa eng e hlōlang, eng kapa eng eo e nahanang e tlameha ho ba kholo ho feta seo e ka se nahanang le ho se etsa. Picasso o moholo ho feta boqapi bohle boo a bo etsang. Molimo o qapileng sohle le ho etsa maholimo le mafatše o moholo ho li feta.

U behile seo ka kelellong, nahana ka temana e latelang: “Lentsoe le ne le le tšimolohong, ’me lentsoe le ne le le ho Molimo, ’me lentsoe e ne e le Molimo. Le ne le le ho Molimo tšimolohong. Lintho tsohle li entsoeng ke lona, ’me hara lintho tsohle tse leng teng, ha ho letho le entsoeng kantle ho lona” (*Johanne 1:1–3*). Ke hore, Molimo o entseng tsohle tse teng, linaledi tse 200,000,000,000,000,000,000,000 le sohle se teng —o ents’eng? “A ipeha tlase,” ea e ba ngoana oa motho, a phela bophelo bo se nang sebe, a jara kotlo ea libe tsa rona hore re be le tšepiso ea bophelo bo sa feleng. Ka pela rona ’neteng ena e kholo: mohau oo re o filoeng ka Jesu Kreste sefapanong. ’Me joale Molimo o re kopa ho mo etsets’ang? “Bofello ba taba tseo kaofela ke jona: tšaba Molimo, u boloke litaelo tsa oona, hobane ke eona tšoanelo eohle ea motho” (*Moeklesia 12:13*).

## Lipotso tsa ho Qoqa:

- ① Ka sehlopheng, qoqang ka potso e qetellong ea thuto ea Mantaha, malebana le kamoo batho ba lumelang ho bolokeng molao oa Molimo, Melao e Leshome (ho kenyeletsa le oa bone) ba ka qobang maqitolo a ho lumela ho pholoso ea molao. Ke joang ho mamela, le hona ho mamela ho hlokolosi ho sa thekeseleng, ho fapana joang le ho lumela molaong, ’me re ka tseba phapang ea ntho tsee tse peli joang?
- ② Tse ling tsa lipale tseo u kileng oa li utloa (kapa oa li tseba) malebana le kamoo ba tlotseng Melao e Leshome ba ileng ba hloko-fala kateng? See se lokela ho re rutang malebana le kamoo molao o bontsang bonnete ba molao oa Molimo ho rona?
- ③ Ke hobaneng ha molao o tlameha ho re bontša ho hloka thuso ha ho leka ho iphumanela litsela tsa rona tsa ho ea leholimong?